



## Vita de ploania y de paisc




**“I te cherdí con to ennom” dij le Signur.**

La ploania d'La Pli tol sò con ligreza te sòa comunité **Ilenia Pedevilla** (Terza) y ti fej les mius aodanzas ai geniturs Bruno y Marlene: che Ilenia pói cresce tla fede, vire tla speranza y sperimenté l'amur de Chel Bel Dio y dla jont.

## 1 Enformaziuns y termins

**La biblioteca** adòm al Zenter Families Mareo envieia a na picia encuntada con i pici cina 3 agn por scoprí le monn dai libri n lönesc ai 6 de merz ales 10 te biblioteca a Al Plan.

**La Ciasa de Palsa da San Martin de Tor** met da jí en concurs publich por mobilité por plü posc desco infermier/a profesional/a. Enformaziuns plü monüdes ciafon sòn [www.ciasadepalsa.it](http://www.ciasadepalsa.it) o por ☎ 0474 524786.



1 ghel, 2 arancio, 3 checio, 4 rosa, 5 violet, 6 lominus bröm, 7 scür bröm, 8 lominus vert, 9 scür vert, 10 lominus ros, 11 scür ros, 12 grisc

**Döt le bun a:** Berta Kanetscheider Glira, *San Ciascian* \* 05.03.1937  
Jep Ellecosta, *Stifler* \* 05.03.1940  
Teresa Rigo Taibon \* 09.03.1934  
y a düc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le **dedemesaledema** sera a Franz Rigo, ☎ 347 2310129 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ klsottsas@rolmail.net

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann A

05.03.2023 - Secunda domegna de Carsema

n. 15

## Fora dal nio lominus aldin la usc dal Pere: Cösc é mio Fi bunorü; ascutedele!

(aclamaziun dan le Vangelo)

📖 Gen 12, 1–4a | 2 Tim 1, 8b–10 | Mt 17, 1–9

*La storia dla porsona é ince la storia dla salveza. Chel Bel Dio ti empormet belo a Ábram la salveza por dötes les generaziuns de cösta tera (1<sup>a</sup> letöra). Y san Paul recorda te sòa letera a Timoteus che la benedisciun y la salveza empormotüda a Ábram nes é gnüda scincada en abondanza, canche al é comparí Gejú Crist co nes á mené le lominus dla vita imortala (2<sup>a</sup> letöra). Con sòa trasfiguraziun sòn la munt dal Tabor s'á Gejú revelé le Fi de Dio. Enschió é Gejú tal medemo tomp nosc fre y ince Fi de Dio. Nia ma ai apostui, mo ince a nos se reveleiel Fi de Dio. Con sòa parora de vita y tal pan y tal vin él enstes pa nos y al sará bun por nos sté pa d'el (vangelo) da "Bibia di Sandís"*

### Dal Vangelo do San Mateo:

Te chel tomp <sup>1</sup>á Gejú tut Pire, laco y so fre Jan da na pert y i á condüt sòn na munt alta. <sup>2</sup>Y al é gnü trasfiguré dan sü edli; so müs lominá desco soredl y sü guanc é gnüs blanc adorbenc desco la nei. <sup>3</sup>Te n iade é aparí Mosé y Elía dan da d'ei y ai baiâ con Gejú. <sup>4</sup>Danló ti á Pire dit: Al é bun ch'i sun atló. Sce t'ôs, fajariâi sò atló trei üces, öna por te, öna por Mosé y öna por Elía. <sup>5</sup>Ciamó dertan ch'al baiâ, él sté n nio lominus co i á curí con sòa ombria. Y fora dal nio á scraie na usc: Cösc é mio Fi bunorü, te chel ch'i á ciafé plajei; ascutedele! <sup>6</sup>Canche i discepei á aldí cösc, ái ciafé na gran tema y s'á peté cole müs ia por tera. <sup>7</sup>Danló ti é Gejú jü pormez, i á pié ete y ti á dit: Loede sò y ne éde nia tema! <sup>8</sup>Canch'ai á ciaré sò, n'odéi plü degügn, ater co Gejú. <sup>9</sup>Dertan ch'ai jea jö dla munt, i á Gejú comané: Ne stede a ti cunté a degügn ci ch'i eis odü cina che le Fi dal Om ne n'é rosserí dai morc.



**Y al é gnü trasfiguré dan sü edli; so müs lominá desco soredl y sü guanc é gnüs blanc adorbenc desco la nei.**

Mt 17, 2

📖 *Letôres dla Terza domegna de Carsema:*

**Es 17, 3–7 | Rom 5, 1–2.5–8 | Jan 4, 5–42**

## Edema liturgica dai 05.03. ai 12.03.2023

<b>DOM 05.</b>	<b>Secunda domegna de Carsema</b>	<i>Oliva, Dietmar</i>
06:30	<i>gran messa a Al Plan</i>	
→ 08:30	<b>zelebrazium dla Parora de Dio</b>	<i>oferta por la ploania</i>
14:00	<b>zelebrazium dal Bato de Ilenia Pedevilla</b>	
<b>Lön 06.</b>	<i>Fridolin, Coleta</i>	
→ 07:45	<b>s.m. dai scolari</b>	
	<b>s.m. do entenziun</b>	
	<b>s.m. por †† Franz y Milia Kastlunger, Alnei</b>	
	<b>s.m. por † Jan Ellecosta, Stifler</b>	
<b>Ded 07.</b>	<i>Perpetua y Felizita, Reinhard</i>	
07:30	<i>s.m. a Antermeia</i>	
<b>Dem 08.</b>	<i>Jan de Dio, Georg Michael</i>	
<b>Jöb 09.</b>	<i>Bruno da Querfurt, Franzisca</i>	
07:30	<i>s.m. a Rina</i>	
→ 19:30	<b>Les Staziuns</b> con l'Uniun dai Ei	
<b>Ven 10.</b>	<i>I 40 martirs, Gustav, Milio</i>	<i>→ astinonza dla cern</i>
07:20	<i>s.m. a Al Plan</i>	
<b>Sab 11.</b>	<i>Rosina, Ulrich</i>	
07:30	<b>s.m. d'aniversar por † Florian Terza, André</b>	
	<b>s.m. en onú dai sanc Angeli Custodi</b>	
	<b>s.m. por en defunto</b>	
	<b>s.m. por les Püres Amres</b>	
18:00	<i>s.m. prefestia a Al Plan</i>	
<b>DOM 12.</b>	<b>Terza domegna de Carsema</b>	<i>De dla solidarieté   Gregor, Beatrix</i>
06:30	<b>gran messa</b> por döta la ploania	<i>→ oferta por le patronat ALCI-KVW</i>
	<b>s.m. por †† d'La Costa dessot</b>	
	<b>s.m. por vis y †† dles families dal Flô</b>	
	<b>s.m. por vis y †† dla familia Fischnaller, Pliscia</b>	
10:00	<i>gran messa a Al Plan</i>	
<i>ampola:</i>	por † Matilde Frontull ved. Vollmann	
<i>ministronc:</i>	<ul style="list-style-type: none"> <li>• <b>lönesc y sabeda:</b> Mattia y Francesco E.</li> <li>• <b>domegna:</b> Daniel y Moses, Maria y Rudi</li> </ul>	
<i>i recordun:</i>	Sr. Maria Rosalia Daverda, Verona	† 05.03.2022
	Alfons Pedevilla, Braies	† 07.03.2013
	Angela Erlacher ved. Terrabona, Al Plan	† 08.03.2018
	Florian Terza	† 08.03.2020
	Monica Peslalz Rabbú, Genova	† 09.03.2022



## Les strades dla salveza

### I ponsun do:

*Chel co ó conesce le Signur mess se lascé condü da d'el. Nos messun jí, adöm ai trei discepui, sön la munt. Enló, tal chit, dalunc da dötes les presces y dal büsiamont, podunse capí che co é le Signur dla vita.*

### I periu:

*Bel Dio, i cherdun te Gejú Crist che tö s'as revelé desco to Fi. Deidesse da l'encunté tal chit y tla oraziun, por ch'i podunse cunté ince ai atri de el, co vir y regneia con te t'eternité.*

*Vesco Wilhelm Egger "Sonntagsbibel"*



## 2. Fastensonntag

*Noch während Petrus redete, siehe, eine leuchtende Wolke überschattete sie und siehe, eine Stimme erscholl aus der Wolke: Dieser ist mein geliebter Sohn, an dem ich Wohlgefallen gefunden habe; auf ihn sollt ihr hören.*  
Matthäus 17, 5

**Was sehe ich in dieser Fastenzeit anders - tiefer - ...**  
**Was höre ich in dieser Fastenzeit genauer - bewusster - ...**

### Gebet

Guter Gott,  
die Fastenzeit hat begonnen.  
Wie ein Stoppschild sagt sie:  
Halt an!  
Schau hin!

Was brauche ich?  
Was brauchen die anderen?  
Mach unser Herz weit auf,  
für uns,  
für einander und für dich,  
guter Gott.  
Amen

*„Sonntagsblatt“*

## I simboi cristiagn cuntés ai mituns (8)

### Le ial

Plüdadio endesprâ le ial da doman la jont con so cianté. Le ial ch'an veiga sön ciampantin cherda la jont al oraziun y ales funziuns. Le ial te confesional se recorda desche l'apostul Pire á reneghé Gejú.

La net denant che Gejú vegni motü söla crusc y denant che le ial cianti, â Pire dit trei iadi che al n'aldía nia pa Gejú. Al â tema da gní pié. Canche al â aldi ciantenn le ial, s'ál recordé che Gejú â dit danfora che al le renegâ. Pire á ciafé la ria löna y á motü man da bradlé dassenn (*Vangelo do San Mateo 26,69-75*).

Desco segno de verda y de fedelté s'amonesc le ial: Stede muntri! Stravardesse dal mal! Confidede te Gejú y romagnede entres liés a d'el!

